

Na osnovu člana 8. Zakona o radu u institucijama Bosne i Hercegovine (Službeni glasnik BiH broj: 26/04, 7/05, 48/05, 60/10, 32/13 i 93/17), člana 50. i 53. Statuta BHRT-a, člana 15. Pravilnika o radu BHRT-a i Odluke generalnog direktora BHRT-a br: 101-2477/20 od 23. 10. 2020. godine, Radiotelevizija Bosne i Hercegovine raspisuje

JAVNI OGLAS

Za prijem u radni odnos na radna mjesta:

01. SAVJETNIK GENERALNOG DIREKTORA BHRT-a, jedan (1) izvršilac u Uredu generalnog direktora BHRT-a

02. UREDNIK DESKA, dva (2) izvršioca u Sektoru Televizije BHRT-BHT1

Mjesto rada je Sarajevo.

Radni odnos je na neodređeno vrijeme, sa probnim radom u trajanju od šest (6) mjeseci.

UVJETI:

Pored općih uvjeta predviđenih čl. 10. Zakona o radu u institucijama BiH, (da kandidat ima navršenih 18 godina života, da je državljanin Bosne i Hercegovine, da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini, da nije obuhvaćen odredbom člana IX stav 1. Ustava Bosne i Hercegovine, da je fizički i psihički sposoban za obavljanje poslova radnog mjesta na koje se prijavio), kandidati trebaju ispunjavati i neophodne uvjete predviđene općim aktima BHRT-a:

Za poziciju 01:

- visoka stručna sprema, VII stepen ili ekvivalent Bolonjskog sistema studiranja sa ostvarenih 240 ECTS bodova,
- najmanje pet (5) godina radnog iskustva,
- detaljno poznavanje programa i industrije medijskih kuća i
- aktivno znanje jednog svjetskog jezika.

OPIS POZICIJE:

Savjetnik generalnog direktora obavlja poslove koji su u neposrednoj vezi sa generalnim direktorom na način da savjetuje generalnog direktora u postizanju dugoročnih i kratkoročnih programsko-tehničkih ciljeva.

Savjetuje generalnog direktora o uvođenju novih tehnologija i njihovoj primjeni.

Za poziciju 02:

- visoka stručna sprema - Fakultet društvenog smjera,
- najmanje pet (5) godina radnog iskustva,
- značajno iskustvo rada u novinarstvu-informativnom programu,
- poznavanje TV produkcije,
- odlična uređivačka procjena,
- sposobnost motiviranja i rukovođenja timom,
- sposobnost rada pod pritiskom i unutar kratkih rokova,
- profesionalni integritet,
- spremnost na samostalno pripremanje i uređivanje informativnih emisija,
- dobre vještine u komunikaciji,
- poznavanje digitalne montaže i
- poznavanje engleskog jezika.

OPIS POZICIJE:

Urednik DESKA urednički je odgovoran za plan i realizaciju informativnih emisija, učestvuje u definiranju strategije razvoja Informativnog programa BHT1.

POTREBNA DOKUMENTACIJA

Uz aplikaciju sa kraćom biografijom, adresom i kontakt telefonom, kandidati trebaju priložiti u originalu ili ovjerenj fotografiji sljedeću dokumentaciju:

- uvjerenje o državljanstvu, ne starije od 6 (šest) mjeseci od dana izdavanja od nadležnog organa,
- prijavu prebivališta,
- dokaz o stručnoj spremi,
- dokaz o radnom iskustvu predviđenom oglasom, stečenom nakon završetka VSS, (potvrde ili uvjerenja),
- dokaz o znanju jednog svjetskog jezika za poziciju 01, a dokaz o poznavanju engleskog jezika za poziciju 02,
- ovjerenu izjavu u vezi s članom IX tačka 1. Ustava Bosne i Hercegovine,
- uvjerenje o nevođenju krivičnog postupka, ne starije od 3 (tri) mjeseca, (može se dostaviti i na intervjuu).

Uvjerenje o radnoj sposobnosti (ljekarsko uvjerenje) izabrani kandidat dostavlja prilikom zaključenja Ugovora o radu.

OGLAŠAVANJE I ROK ZA PODNOŠENJE PRIJAVA

Javni oglas bit će objavljen u dnevnim listovima „Avaz“, „Nezavisne novine“ i „Večernji list“ i na WEB siteu BHRT-a, te u skraćenoj verziji u programima BHR1 i BHT1.

Rok za podnošenje prijave je 3. 11. 2020. godine.

Nepotpune i neblagovremene prijave, te prijave kandidata koji ne ispunjavaju uvjete oglasa, kao i prijave koje sadrže kopiju dokumenata koja nije ovjerena, neće se uzimati u razmatranje.

Sa kandidatima koji ispunjavaju navedene uvjete oglasa, bit će obavljen intervju.

Razmatranje prijava kandidata, utvrđivanje užeg izbora kandidata i obavljanje intervju sa kandidatima, obaviti će Komisija za izbor kandidata.

Kandidati će biti obaviješteni o ishodu Javnog oglasa.

Prijave dostaviti lično ili poštom, u zatvorenoj koverti, sa naznakom: Prijava na Javni oglas **uz obavezno navođenje pozicije na koju se konkurira i naznaku „NE**

OTVARAJ», na adresu:

RADIOTELEVIZIJA BOSNE I HERCEGOVINE

Služba za ljudske resurse

Bulevar Meše Selimovića broj 12

S A R A J E V O